m.

Dam.

Arrests & pro-

CES VERBAVLX d'execution d'iceux,

Contre

Iehan Tanquerel,
Maistres Artus Desiré,
François de Rosieres,
& autres.

MUNICIPAL NEW YORK Principal de Rollors.



'ANM.D.LXI.le vendredi douzieme iour de Decembre, Nous Chriftofle de Thou, Conseiller du Roy, President en sa Cour de Parlement: Charles de Dormans, Barthelemi Faye, Conseillers en icelle, Iuges commis & deputez par ladite Cour, pour l'executio de l'arrest donné en icelle le deuxieme iour de ce present mois, à l'instance & requeste du Procureur general en ladite Cour: Contre maistre Nicolle Maillard Doyen, Ican Alleaume, Iean Pelletier, Iean Allain, Iacques Cayn, & Noel Paillet, Docteurs en la faculté de Theologie: pour raison des propositions tenues par Iean Tanquerel, Bachelier formé en ladite faculté, duquel arrest la teneur fensuit.

Ce iourdhuy apres que le Procureur general du Roy presés maistres Nicole Maillard Doyen, Iean Alleaume, Iean Pelletier, Iean Allain, Iacques Cayn, & Noel Paillet, Docteurs en la faculté de Theologie, pour ce madez, a requis à la Cour qu'ils eussent suiuant les inionctions à eux plusieurs fois faites par ordonnance d'icelle Cour, de representer maistre Iean Tanque-

rel Bachelier en Theologie, pour respondre sur la position par luy disputce : lesdits de la faculté ouys en leurs diligences & excuses, ensemble ledit Procureur general en ses conclusions, eux retirez, & la matiere mise en deliberation, les grandes chambres & du conseil assemblees: LA Covraordonné & ordonne que suivant la declaration baillee par maistre Iean Tanquerel signee de sa main, & pour son abséce au lieu de luy, le Bedeau de la faculté de Theologie, declarera en pleine Sorbonne, en presence des Doyen & tous les Docteurs de la faculté, mesmes dudit Cayn & Bacheliers de ceste licence prochaine, qui seront pour cest effect cogregez & assemblez: sur peine d'estre priuez des priuileges à eux octroyez par le Roy & ses predecesseurs, assistans l'vn des Presidents, deux Conseillers du Roy en icelle Cour, & le Procureur general dudit Seigneur: Qu'il deplaist audit Tanquerel d'auoir tenu telle propofition, qui sera leue, que indiscretement & inconsiderément ladite proposition a esté tenue & disputee, & qu'il est certain du contraire. Supplira tref-humblement au Roy luy pardonner l'offense qu'il a faite pour avoir tenu ladite position, & icelle auoir mise en

dispute. Et ce sait leur serot par ladite Cour saites desenses à l'auenir de tenir telles positions. Et d'abondant que deux d'entre eux serot deputez pour aller deuers le Roy, à sin de le supplier tres-humblement, qu'il leur vueille pardoner l'offense, en laquelle ils peuvent estre encourus, pour avoir permis ladite dispute, & les tenir en sa bonne grace, en laquelle ils desirent demeurer come ses tres-humbles & tres-obeissans sujets & serviteurs. Fait en Parlement le second

iour de Decembre 1561.

Appellez auec nous ledit Procureur general, & Claude Berruyer l'vn des quatre Notaires de ladite Cour, & premier Huissier en icelle, sommes trasportez heure de sept heures au matin en la grade salle de Sorbone : auquel lieu, apres que les Doyen, Docteurs & Bacheliers de ladite faculté, qui ensuiuent : Sçauoir, maistres Nicole Maillard Doyen, Iean Daual, Iean Benedicti, Guillaume de Pectu, Iea Aleaume, lacques Chrestien, Iean Pelletier, Getard du Mesnil, Hubert Guychenot, Iacques Cosson, Guillaume Des-prez, Iea Moreau, Denys Camus, Theodore Rouzee, Philippes Maheut, François Dampmartin, Pierre Bouraine, Iacques le Febure, Ican

de Poretus, Iacques Cain, Nicolas Idoine, Lazare Broicher, Guillaume Chausse, Antoine Bouchelu, Pierre Vigneron, Nicolas Cousin, Charles le Maistre, Nicolas Pugnance, Olivier de Quitte-beuf, Iean Paris, Estienne Corneul, Guillaume Gaillard, Iea Falaize, Iacques Muldrac, Pierre Fournier, George Peron, Audebert Macere, Marin Euerard, Ioseph Basot, Iacques le Hongre, Antoine de Bailly, tous Docteurs en la faculté de Theologie: maistres lean Nicolas, Pierre Boucher, Iacques Violet, Nicolas Bennart, Pierre Gemelli, Thomas Groult, Maximilian Guilland, Firmin Ballesdes, Nicolas Gauthier, Pierre Thierry, Pierre Viel, Iean Godier, Iacques de Lassus, François Carreau, Bacheliers de ladite faculté, representans la plus grande partie d'icelle, ont esté deuëmet assemblez au son de la cloche, selon & en ensuiuant l'ordonnance verbale ausdits Doyen & autres Docteurs le iour precedent faite: A esté remonstré par maistre Gilles Bourdin, Procureur general susdit, Que la faculté de Theologie a esté suffisammet aduerrie pat le tesmoignage de plusieurs grans personnages, & augustisimo sacri Senatus oraculo, du mescontentement que le Roy auecoc-

casion grande, la Roine mere, & Princes du sang, ont conceu à leur tresgrand regret de la position tenue & mise en dispute au college de Harcourt, le sixieme Nouembre dernier, par vn nommé Iean Tanquerel, Bachelier en Theologie. Et comme le Roy non seulement de bouche, mais aussi par lettres a fait entendre, que telle position ainsi mal digeree, mesmes hoc turbine rerum, touchoit & regardoit la seureté & establissement de son Estat, la dignité, excellence & souveraineté de sa couronne, & auoit cy deuant engendré en ce Royaume grandes divisions & sections entre les Rois de France, & summos Pontifices: combien qu'entre eux il y eust vne confederation & societé presque diuine & humaine. Et sur ce vous prie Messieurs, vous representet quelle destresse pouuoit apporter au Roy, estant in tenella & nondum confirmata ætate, telles nouvelles que ses subiets, ie dy ceux qu'il a tousiours recogneu & venerandos in christo parentes & pædagogos, & qui ont acquis reputation de sagesse & prudence, non seulement en ce Royaume, mais en toutes les parties de l'Europe, disputent de l'estat de sa couronne & de ce Royaume, comme de chose vacillante & fluctuante, & estant

en quelque incertitude. Et d'autant que los choses sont plus grandes & plus hautes, les passions & impressions de l'esprit sont plus aigues & mal-aisees à composer. Car veritablemet la plus grade infelicité qui poutroit aduenir à vn Prince, ainsi que dit S. Iea Chrysostome est, dum regnante secura pace, ac legibus optimis fundata status Regius, à subditis percellitur, aut interturbatur, & velut intestino morbo respub. laborat. Messieurs, chacun sçait l'obeissance & reuerence, & non seulemet l'obeissance, mais aussi la timeur, crainte & dilection filiale, commandee par la bouche de nostre Seigneur & de ses saints Apostres enuers les Rois & Princes. Et comme par le tesmoignage de sainct Paul in epistola ad Romanos, non seulement ceste obeissance est desiree en la personne des sujets, mais aussi est dit qui se rend irreuerent, desobeiffant & moins qu'officieux enuers son Prince, il se declare aduersaire, ennemy & resistant à la volonté de Dieu. Et pour ceste cause nous est sur tout commandé de faire prieres, oraisons & obsecrations pro regibus, principibus, & omnibus in sublimitate constitutis, ve sub eis placidam & tranquillam vita degamus: hoc enim acceptum coram Deo, qui vult omnes salwas fieri, & ad agnitionem Veritatis peruenire.

At Jane

En maniere, que quand il est question de parler des Rois, & de nos superieurs, il y faut bien exactemet penser, aduiser & considerer, & euiter sur toutes choses propos intempestifs, indiscrets, & n'apportans aucune edification, ains plustost confusion, scandale & desolation. Ista quippe (comme dit Gregorius Nazianzenus & Chrysostomus) à Christi discipulis remota sunt, neque illo digna ore, quod quidem sacris constitutionibus est dicatum & consecratum. Nihil amarum, nihil durum ea lingua proferat, quæ quidem diuinis & mysticis rebus est assured, ne ad iracundiam Deum prouocet.

Et certainement la prudence humaine, qui est requise pour la conservation de l'estat public, consiste principalement en ce que disoit Epictetus en son histoire, de ne tenir ne mettre en auant propos, sinon ceux qui sont necessaires pour l'establissement & pour le repos de la monarchie: & (comme disoit Simonides) silentij instior con duteior fructus est, quam que non decent dicere: opportunaque est oratio ea (comme disoit Isocrates) que quidem ea que sunt tacenda subticet, que dicenda proloquitur. Pour ceste cause disoit auec grade raison Anaxarchus, Que le grand estude & cognoissance de beaucoup

part Jos mick mick

> Selik fone

de choses souventes fois nuit à celuy, qui est si sçauant & cognoissant, quand il n'en vse sagement, quand il ne considere & mesme le temps & saisons, en quoy gist la principale partie de sapience.

Or messieurs, La Cour, qui est æqui & boni moderatrix, ayant entendu qu'am esset exulceratus animus Regis & Principum, a voulu par sa prudéce accoustumee huic vulneri mederi.

Et pour cest effect, ne quem indicta caussa damnare diceretur, a fait ouir ledit Tanquerel fur la polition susdite, par messieurs le President de Thou, Conseiller de Dormans: Lequel apres remonstrance à luy faite de la part desdits sieurs, a recogneu telle position auoir esté par luy indiscretement & intempestiuement dictee, proposee & soustenue auec supplication de luy vouloir pardonner, offrant de sa part faire declaration cotraire, tant en public qu'en priué: Ledit Tanquerel apres ses interrogatoires s'est rendu absent, ne sçay par le conseil de qui. Et combié que la Cour vsant de la rigueur de la loy ordinaire & accoustumee & formulis assueris, eust peu faire proclamer & appellera ban, & trinundino eum euocare: toutesfois hæc omnia sinu suo continens, pour euiterà tous scandales, A ordonné que le Bedeau

deau de la Theologie en l'absence dudit Tanquerel, feroit la declaration telle qu'il est porté par l'arrest, de l'execution duquel

est à present question.

Messieurs, Vous sçauez que si les hommes par cas fortuit, ou autrement, tombent en quelque maladie, indisposition, eluxation, ou dissocation de membres, peritisimos quo que medicos & chirurgos sibi asciscunt, vn se G secari patiuntur, pour l'esperance qu'ils ont de guarison comme dit Isocrates in Areopagetico: Mais quant aux maladies & infirmitez d'esprit, & quad quelcun par temerité & inaduertence lapsus est, aut errauit, medicina Vnica animi, est oratio, comme dit Clemens Alexandrinus, à sçauoir l'admonition, l'exhortation, reprehension, laquel- et le encor qu'elle ait quelque amertume en soy: toutesfois, comme dit sainct Paul, in posterum gaudy est, & exultationis, & fructus dulces adfert: Et n'y a chose qui se doine recueillir de si bonne part, quam iusta illa reprehensio, que est verus & veluti premius medicus animi. Et partant recueillant en soy omnes rationes mansuetudinis & clementia, dont le Roy & la Cour ont vsé en cest endroit, ne peut moins faire que de requerir l'execution de l'arrest. Et en ce faisant, en premier

lieu que la déclaration portee par iceluy, soit presentement executee, & faite par le

Bedeau de la faculté.

Ensecond lieu, Que la faculté aye à deputer des personnages pour eux retirer vers le Roy, & la Roine mere, aux fins contenues en l'arrest, lesquels ils trouuerot pleins de douceur, de clemence, & prests à les recueillir en toute humanité, en recognoissat la faute par eux commise. Et au surplus, qu'il vous plaise pareillement les admonester, qu'en tous leurs actes qui se presenteront, esquels lon voudra toucher aucunementà l'estat du Roy & de son Royaume, soit en predications, soit en disputes, ou autrement, qu'ils l'empeschent, & qu'il ne sorte rien de leur escole & de leur bouche, qui ne soit à l'edification & establissement du repos & tranquilité publique, & sit sermo illorum sale sapientiæ semper conditus. Et finablement, qu'ils se comportent tellement en faits & en dicts, ve omnium reddendam rationem (comme disoit Africanus) esse arbitrentur. CE faict, auons commandé audit Berruyer de faire lecture dudit arrest, interrogatoire,& confession faite par devant nous & ledit de Dormans audit Tanquerel: ce qu'il a fait, duquel interrogatoire

& confession la teneur ensuit.

L'AN M.D. LX I. le jeudi trezieme jour de Nouembre, Nous Christofle de Thou, Conseiller du Roy, President en sa Cour de Parlemer, & Charles de Dormans Conseiller en icelle, suiuant l'ordonnance de monsieur le Chancelier & de ladite Cour, appellez auec nous maistres Gilles Bourdin Procureur general, & Iean Camus Notaire & Secretaire du Roy, & de ladite Cour, Auons mandé en nostre maison d'habitation de nous de Thou President, maistre Iean Tanquerel Bachelier forme en Theologie, demeurant au college de Harcourt, lequel en la presece desdits Procureur general, & Camus Secretaire, & de maistres Nicolle Maillard Docteur en Theologie, chanoine de l'Eglise de Paris, Doyen de la faculté de Theologie, & Iacques Cayn aussi Docteur en ladite faculté, demeurant au college des Cholets: & apres serment fait par ledit Tanquerel de dire verité, Auons enquis quelles positions il auoit tenues & disputé à son acte de Grand ordinaire ieudy dernier, & s'il en auoit copie. Nous a à l'instant ledit Tanquerel exhibé vne copie de sesdites positions, escrites en vn fueillet de papier, qu'il a signee de nostre

o ij

ordonnance, & laquelle a esté paraphee par ledit Camus ne varietur. Et sur ce par nous enquis, a dit & confessé, que veritablemet il auoit tenu & disputé les dites positions le sixieme de ce mois, sous ledit Docteur Cayn és escoles du college de Harcourt, mesmes le premier article d'icelles

duquel la teneur ensuit.

Ecclesia, cuius solus Papa Christi Vicarius monarcha spiritualem & secularem habens potestatem omnes fideles subiectos continens principes, suis præceptis rebelles regno & dignitatibus prinare potest: nec suam hæresim occultam alteri reuelare tenetur. Et que sept ou huit mois auparauant il les auoit colligé & mis par escrit à son priue, & qu'apres les auoir communiqué à quelques Docteurs en la maniere accoustumee, il en fit faire plusieurs copies qu'il bailla aux Docteurs & Bacheliers en Theologie & ses amis: les inuitant en son acte qu'ils appellent le Grand ordinaire. A ouy dire que ledit article a esté souvent disputé aux escoles, & est traitté aux questionaires, & n'a pensé aucunement offenser la maiesté du Roy, ny personne: & s'il eust estimé que ledit article eust esté mal pris, il ne l'eust proposé en la dispute, disant que les questions qu'on a accoustumé de pro-

poser aux escoles, ou actes de Theologie, font problematiques & disputables, & non toutes tenues pour veritables. Luyauons remonstré que le contenu audit article ne deuoit estre mis en dispute, ayant esté autrefois condamné apres le decez du Pape Boniface huitieme: lequelauoit maintenu ceste proposition veritable, & icelle fait publier en forme de constitution: A dict qu'il sçait que ceste opinion a esté condamnee, toutes fois que plusieurs la tiennent pour foustenir & defendre la puissance du Pape: & quant à luy sçait & confesse qu'il y a distinction de puissances, & qu'au Pape ap-7 partient la spiritualité, & aux Rois & Prin- do ces la temporalité. Luy auons pareillement remonstré que ceste proposition a esté disputee en temps malà propos, & plein de troubles, auquel il deuoit plustost tenir propositions pour contenir le peuple en l'obeissance du Roy, que pour l'esmouuoir. Nous a dit qu'il luy desplaist grandement qu'il n'a consideré & esté aduerti de ce que dessus, & que s'il y eust bié pensé il ne l'eust fait ny voulu faire. Et supplie tres-humblement le Roy luy pardonner l'offense qu'il pourroit auoir faite en cest endroit, qui n'a esté par maliceny mauuaise volonté, & a

b iij

desiré, & desirera toute sa vie, demeurer tres-humble & tres-obeissant serviteur & sujet de sa Maiesté, & sera tousiours prest d'en faire telle declaration qu'il suy plaira ordonner, soit en priué, soit en public. Et tout ce qu'il a respondu, qu'il a signé de sa propre main. Ainsi signé de Thou, de Dormans, Tanquerel.

Et en executant ledit arrest au premier chef, Auons commandé audit Barat premier Huissier, de lire & faire prononcer à Pierre Goux Bedeau de ladite faculté present, estant nud teste & sur pieds la declara-

tion y contenue, comme ensuit.

Ie declare en l'absence de Iean Tanquerel, & pour & en son lieu, qu'il me desplaist
d'auoir tenu la position ensuivant: Quod Papa Christi vicarius monarcha, spiritualem & secularem habens potestatem, principes suis praceptis rebelles, regno & dignitatibus privare potest:
Et qu'indiscretement & inconsideré ment
i'ay icelle proposition tenue & disputee, &
suis certain du cotraire: Supplie tres-humblement au Roy me pardonner l'offense
que i'ay faite, pour auoir tenu ladite proposition, & icelle mis en dispute.

Procedant en outre à l'execution dudit arrest, Leur auons remonstré que l'arrest de la Cour, l'execution duquel estoit poursuivie par le Procureur general en icelle, & pour lequel executer nous auions esté commis, auoit ja esté executé pour le premier chef d'iceluy, concernant la personne de maistre Iean Tanquerel absent, restoit à cxecuter le second chef, qui estoit bimembre, concernant les Docteurs & Bacheliers formez de ladite faculté, dont l'vn se pouuoit executer presentement, l'autre ne se pouvoit executer sinon en la presence du Roy & de sa personne. Ce qui se pouvoit presentement executer, estoit touchant les defenses ordonnees estre faites par ledit arrest à ceux de ladite faculté, de non souffrir telles positions que celles dont est venue la plainte, estre disputees à l'aduenir. A CESTE cause, en executant ledit arrest & fuiuant iceluy, Nous auons fait & faisons defenses de par le Roy, & sa Cour de Parlement ausdits de la faculté de Theologie, de non doresnauant souffrir telles positions estre mises en disputes : sur peine de cent marcs d'or, applicables au Roy, de priuation des privileges à eux ottroyez par le Roy& ses predecesseurs Rois, & autres plus grandes peines fil yescher, à la discretion de ladite Cour.

Leur remonstrant que telles disputes qui ne tendoient à aucune edification, mais plustost à la subuersion des escoutans, estoient & auoient esté specialement & nommément defendues, & comme saince Paul auoit escrit aux Philippenses, eux qui estoient la lumiere du monde, & le sel de la terre, devoient estre tels, & se monstrertels, Vt nemo de eis queri posset : vsant de ces mots, Tales estote, Vt sit nemo qui de vobis queri posit: irreprehensibiles in medio nationis prauæ & tortuosæ, inter quos lucete tanquam luminaria in mundo, sermonem vitæ sustinentes, quem in vobis inhabitare oportet abundanter cum omni sapientia. Et en autre passage dit, Cum conuenitis vnusquisque vestrum alius habet linguam, alius pfalmum, alius reuelationem, omnia ad ædificationem fiant. Au demeurant leur auos enioint en ce qui reste à executer, qu'ils ayent à eux humilier vers le Roy, cuius veritablement iusta fuit indignatio: & que pour cest esfet ils eussent presentement à nommer deux d'entre eux, à ce qu'ils eussent à se transporter vers ledit seigneur, à fin de le supplier treshumblement d'oublier l'offense, en laquelle ils peuuent estre encourus, & de leur pardonner & remettre, & de les tenir en sa bonne grace, le tout iouxte & conformément audit arrest. A quoy a esté respondu par les dits de la faculté, portant la parole pour eux ledit maistre Nicolas Maillard Doyé, Qu'elle est tousiours tres-humble & tres-obeissante au Roy, & à la Cour, & fera en telle sorte que le Roy & ladite Cour se deuront contenter. Laquelle response a esté baillee par escrit audit Berruyer, pour inserer en ce nostre present procez verbal,

Response de la faculté de Theologie faite par monsseur le Doyen.

comme enfuir.

Messieurs, La faculté est tousiours treshumble obeissante au Roy & à la Cour, & fera en telle sorte que le Roy & la Cour se deuront contenter. Fait le douzieme de Decembre mil cinq cens soixante & vn. Ainsi signé Ruelle, Par le commandement des Doyen & Docteurs de la faculté de Theologie de Paris.

Extraict des registres de la Cour de Parlement.

CE iour la Cour pour executer l'arrest par elle donné à l'instance & requeste du Procureur general du Roy, à l'encôtre de ceux de la Sorbonne, A commis, nommé & deputé, commet, nomme & depute maistres Christosle de Thou President, Charles de Dormans & Berthelemy Faye, ou maistre Iacques de Varade Conseillers du Roy, en l'absence de l'vn des deux. Fait en Parlement le second iour de Decembre mil cinq cens soixante & vn. Ainsi signé, Berruyer.

Ce fait nous sommes departis: Ainsi signé, de Thou, de Dormans, Faye, & Berruyer.


ad Mediceurs, dial acclaiced nonfour; traidiam production configure, as they trained a from the second of the se

telle dovne a lindanco occopioste riget i a.

Ev par la Cour le proces criminel fait tant par le Preuost des Mareschaux d'Orleans, qu'au priué Conseil du Roy, A la requeste du Procureur general du Roy, à l'encontre de maistre Artus Desiré, à present prisonnier és prisons de la Conciergerie du Palais. Les lettres patentes du Roy donnees à Fontaine-bleau le 16. iour d'Auril 1561. dernier passé, signees, Par le Roy en son conseil, Coignet, & seellees de cire iaune sur simple queuë du grad seel, par lesquelles ledit sieur auroit renuoyé en ladite Cour ledit Desiré prisonnier, & le proces encommecé, pour reprises les informations, interrogatoires & procedures cotre luy faites, proceder en la chambre de la Tournelle à l'instruction, perfection & iugemet de son proces, & des coulpables, adherans & complices du fait, dont il estoit chargé: les coclusios du Procureur general du Roy, & ouy & interrogé par ladite Cour ledit prisonnier sur le cotenu audit proces, cas, crimes, & delits à luy imposez: Et tout consideré, DICTaesté, que la dite Coura condamné & condamne ledit Desiré, pour raison des cas mentionnez audit proces, à

faire amende honorable au parquet de ladite Cour à iour de plaidoyrie : & pour ce faire y estre mené, estat reste & pieds nuds, tenant en ses mains vne torche de cire ardante du poix de deux liures, & illec estat à genoux dire & declarer, Que temerairement, malicieusement, & comme mal-aduisé, il a escrit & dresse la requeste maintenue au proces, & essayé la porter où bo luy auroit seblé, dont il se repent, & en requiert mercy & pardon'à Dieu, au Roy, & à iustice. Et sera ladite requeste laceree en sa presence, & cefait estre mené & conduit au monastere & religion des Chartreux lez ceste ville de Paris, pour y faire penitence le temps & espace de cinq ans.

Prononcé & executé quat à ladite amende honorable, & laceration de ladite requeste, le lundi 14. iour de Iuillet l'an 1561. ainsi signé, Malon. Nota qu'il auoit esté ordonné que ledit Desiré feroit pareille amende honorable sur la Table de marbre, & sur le perron des grans degrez du Palais, & que ladite peine pour aucunes considerations sur mitigee.



AVIOVRD'HVY 26. iour d'Auril 1583. Le Roy tenant son Conseil à Paris, Auquel assistoient la Roine sa mere, messieurs le Cardinal de Bourbon, Charles de Bourbon son nepueu Archeuesque de Rouen, le Cardinal de Vaudemont: les Ducs de Guyfe, & de Mayenne: le sieur de Chiuerny, Garde des Seaux de France, Daumont Mareschal de France: les sieurs de Lansac, de Lenoncourt, le grand Prieur de Champagne, de la Vauguyon, l'Euesque de Paris: les sieurs de la Chapelle aux Vrsins, de Malicorne, de Villequier l'aisné, le President la Guelle, l'Aduocat de Thou, de Rambouiller, de Schomberg, l'Archeuesque de Lyon, le sieur Charles de Birague, l'Abbé des Chasteliers, le President Faulcon, de Ruffec, Gouverneur de Bourbonnois, & l'Aduocat d'Espesse, tous Conseillers du Conseil priué & d'estat de sa Maiesté: L'Archediacre de Thoul maistre François de Rozieres, cy deuant amené prisonnier en la Bastille par le commandement de sa Maiesté, pour auoir employé en vn liure par luy composé sous l'intitulation, Stemmatum Lotharingia ac Barri Ducu tomi septem, plusieurs

choses repugnantes à la verité de l'histoire, tant cotre l'honneur & reputatio des Rois de France, predecesseurs de sa Maiesté, que mesmes cotre la dignité & honneur d'icelle, A esté amené par le Cheualier du Guet, Capitaine de ladite Bastille, par deuant sadite Maiesté, assistee des Princes & seigneurs cy dessus denomez: où estant, il sest incontinent mis à deux genoux, & implorant la grace & bonté d'icelle sur l'ofsense par luy comise, il a dit ces propres paroles.

SIRE, le supplie tres-humblement vostre Maiesté de me pardonner la faute & offense, que ie recognois auoir faite, qui est telle que sans vostre bonté & clemence ic serois digne de grande punitio, pour auoir mal & calomnieusement escrit plusieurs choses dans l'histoire, qui a esté par moy composee & publice sous mon nom, contre l'honneur & gradeur de vostre Maiesté, des Rois vos predecesseurs, & de ce Royaume, & contre la verité de l'histoire: i'en suis tres-marry & tres-deplaisant, & m'en repes: & suis prest d'en receuoir telle condamnation qu'il plaira à vostre Maiesté ordonner: Et vous supplierres-humblement en l'honneur de Dieu, vser de vostre bonté & misericorde accoustumee, enuers moy. Et au

par dessus a dit, Qu'il attestoit deuat Dieu & le prenoit à tesmoin, qu'il auoit en cela failly plus par imprudence que par malice.

Puis ledit sieur de Chiuerny, Garde des des Seaux de France luy a dit en peu de paroles, par le commandement de sadite Maiesté, Qu'à vn homme qui auoit beaucoup de cognoissance des bonnes lettres, & qui estoit de profession Ecclesiastique comme luy, il n'estoit point besoin de s'empescher à faire cognoistre auec beaucoup de raisons la faute grande qu'il auoit commise en escriuant auec tel blasme & deshonneur des Rois de France, & mesmes de sa Maiesté. Car c'estoit chose qu'il pouvoit aussi bien cognoistre que nul autre, & assez iuger qu'il estoit encouru au crime de leze Maiesté, qui ne meritoit pas moins que de punition de la vie, quand le Roy l'eust voulu faire traiter par la rigueur de la iustice. Qu'il ne pouuoit ignorer que la maison de France ne soit la premiere, plus ancienne, & plus illustre, non seulement de tous les Princes Chrestiens, mais de tout le reste du monde, & qu'il s'estoit grandement oublié en escriuant son liure: d'autant qu'au lieu d'y employer toutes choses veritables, ainsi que lon doit faire en vne histoire, il y a escrit plusieurs mensonges, malicieusement controuuees au desauantage des Rois de France, de sa Maiesté, & de toute sa maison, comme fil eust eu plustost volonté d'escrire vne inuectiue & mal-disance, que non pas vne histoire: & qu'vne telle faute ne pourroit estre reparce par luy, que par punition de la vie, n'estoit la bonté desa Maiesté, à laquelle il estoit grandementobligé, si elle vouloit estendre si avant sa clemence en son endroit. Qui est à la charge que doresnauant il se comportera auec la fidelité & affection que doit faire vn qui el nay son sujet, & qu'en monstrant par effect qu'il a grand regret & ennuy de la faute par luy commise, il se fera cognoistre doresnauant tres-affectionné à son service, selon qu'il yest naturellement obligé.

Apres que ledit sieur de Chiuerny a siny son propos, la Roine mere du Roy a supplie ledit sieur Roy de luy vouloir pour l'amour d'elle & de monseigneur de Lorraine pardonner l'offense qu'il a commise. Ce que sa Maiesté a declaré qu'elle faisoit tres-volontiers. Et luy a commandé de se leuer, & de demeurer pres de mondit sieur de Lorraine, insques à ce qu'il eust satisfait à ce qui luy seroit, declaré touchant le susdit liure

par le President de la Guesse, & ses Aduocats & Procureur general. Et apres qu'il a mercié tres-humblement sadite Maiesté de la grace & misericorde dont elle vsoit enuers luy, luy promettant tout humble & tres-affectionné service: & la suppliant de croire qu'il avoit plus failly d'imprudence


que de malice.

Desquelles choses il a esté commandé à moy sous-signé Conseiller du Roy en son Conseil Priué & d'Estat, & son Secretaire d'Estat, de faire le present procez verbal, selon qu'elles sont passes en ma presence. Pour estre iceluy mis au Gresse de la Cour de Parlement de Paris, auec le susdit escrit. Prononcé par ledit de Rozieres, signé de sa main. Fait à Paris les iour & an que dessus. Ainsi signé, Brulart.

SIRE, ie supplie tres-humblement vostre Maiesté de me pardonner la faute & offense, que ie recognois auoir faite, qui est telle que sans vostre bonté & clemence ie serois digne de grande punitio, pour auoir mal & calomnieusement escrit plusieurs choses dans l'histoire, qui a esté par moy composee & publice sous mon nom, contre l'honneur & grandeur de vostre Maiesté, & des Rois vos predecesseurs, & de ce Royaume, & contre la verité de l'histoire: l'en suis tres-marry & tres-deplaisant, & m'en repens: & suis prest d'en receuoir telle condemnation qu'il plaira à vostre Maiesté ordonner. Et vous supplie tres-humblement en l'honneur de Dieu, vser de vostre bonté accoustumee & misericorde enuers moy: Signé, De Rosieres.

Extraid des originaux.

nt paffeet on ma prei



Roy au temps des vacations, sur la requeste faite par le Procureur general dudit seigneur, A ordoné & ordonne que commandemet & inionction sera faite à tous les Bailliss & Seneschaux de ce ressort, esquels y a siege Episcopal & Archiepiscopal, d'eux enquerir diligemment si les Archeuesques & Euesques de leurs Baillia-

ges & Seneschaucees, ou leurs Vicaires, ont receu vne Bulle du Pape, ou vidimus d'icelle, intitulee, Litera processus, & par qui elle leur a esté enuoyee pour icelle faire publier. Et si aucune publication n'a encores esté faire, pour leur faire expresses inhibitions & defenses de ne la publier: & retirer desdits Archeuesques, Euesques, ou leurs Vicaires ce qui leur en a esté enuoyé pour estre publié, & enuoyer le tout par deuers ladite Chambre huit jours apres que le present arrest leur aura esté presenté. Et où aucune publication auroit esté faite, enioint ladite Chambre ausdits Baillifs & Seneschaux, ou leurs Lieutenans, de donner iour & assignation ausdits Archeuesques, Eucsques, ou leurs Vicaires, de l'ordonnance desquels ladite publication aura esté faite, pour comparoir en ladite Chambre, pour respondre à telles demandes, fins & conclusions, que ledit Procureur general voudra prendre contre eux. Et neantmoins ordone que le temporel des Archeuesques & Euesques de ce ressort, où la publication aura esté faite, sera saisi & mis en la main du Roy: Ordonne qu'à ce que dessus sera vaqué diligemment par lesdits Baillifs & Seneschaux, ou leurs Lieutenans. Enioint

aux substituts dudit Procureur general defdits Bailliages & Seneschaucees, de faire executer le present arrest huit iours apres qu'il leur aura esté presenté, & en certifier ladite Chambre huitaine apres ensuiuant, à peine de prination de leurs estats. Et sera à ce que dessus procedé par lesdits Baillifs, Seneschaux, ou leurs Lieurenans, nonobstant oppositions ou appellations quelsconques. A fait inhibitions & defenses à toutes personnes de quelque estat & qualité qu'ils soient de les empescher à l'execution du present arrest, sur peine d'estre declarez rebelles au Roy, & crimineux de leze Maiesté. Et sera le present arrest imprimé, & à l'impression d'iceluy signee par le Greffier, ou l'vn des quatre Notaires de la Cour, foy fera adioustee comme au propre original. Fait en ladite Chambre, le quatriesme iour d'Octobre, l'an mil cinq cens quatre vingts. 31601 oup , another on

Signé, Le Prevost.

da Kose Ordonno qu'à ce que destos tera vaque diligemment par léfdits Baillis's &c Sencsenant, ou leurs Lieutegans. Enfont

uesques de cereflore où la publicacion celle faue, lera fail & mison la main